

Nossa raspada



CORPORAZIUN
EVANGELICA
VALSOT

*Il Segner ans ais refugi e forza.
(Ps 46,2)*

Allegra!

Nus dovrain ün lö, ingio cha nus ans sentin salvs, protets ed amats. Ün dachasa, as pudes-sa dir, ma insè nu discurrina da lös o da chasas, ma d'essers umans, da cumpagnias e da cumünanzas, d'amicizchas, dimena d'ün refugi per corp ed orma. Nus vain dabsögn da quel „lö“ i'l qual cha nus pudain esser quels cha nus eschan, cun quai chi fa oura a nus, sainza mascras e travestimaint, sainza s-chüd e chaplina. In quist muond daja bler chi po metter in dumonda a l'individuum. Dafatta scha la vita guard'oura bain sün distanza, eschna adüna darcheu exposts a feridas. I fan simplamaing part da la vita. In quel regard nu fa la cretta ingüna differenza, nus eschan tuots essers fraischels. Ma per quel chi craja, es Dieu ün refugi cha nöglia ed ingün nu po tour davent. Nossa cretta ans po dar quella forza. Ella ans güd'a portar chargias, a guarir plajas ed a mantegner spranza.

Cun ün cordial salüd,

Vos rav. Christoph Reutlinger.

Pravenda evangelica
7559 Tschlin
tel. 081 866 32 63
www.valsot-ref.ch

Cults divins settember 2025

Dumengia, ils 7 settember

11:00 Ramosch (bain pauril da Luigi Gmür): cult divin in occasiun da la schelbgia d'Alp Ischolas, imbelli cun musica da tübas, davo ustaria

17:00 Samignun
rav. Christoph Reutlinger

Dumengia, ils 14 settember

09:30 Strada, cun battaisem
da Raffael Etter Heinisch

11:00 Tschlin
vicara Romana Giossi

Festa federala, ils 21 settember

09:30 Ramosch
11:00 Martina, cun battaisem
d'Anna Helena Michel

17:00 Tschlin
rav. Christoph Reutlinger

Volver, per plaschair!

Giantar cumünaivel a San Niclà

i'l caffè sper l'En

Mercurdi, ils 24 settember a partir da las 12:00.

Per plaschair s'annunzchar pro Cilgia Etter:

079 530 70 58

Preavis viadi da la raspada giò'l Vnuost ils 25 e 26 october

Il viadi da la raspada ans maina giò Meran e cun-
tuorns.

Sül program stan üna spassegiada seguind ün „Waal“,
üna tschaina „Törggelen“, e dumengia bunura ün cult
divin cun la comunità evangelica da Meran.

Daplüs detagls seguan illa Nossa raspada d'october.

Nus ans allegrain sün numerusa partecipaziun!

/il consistori, vicara Romana Giossi e rav. Christoph
Reutlinger

Radunanza extraordinaria da la Corporaziun evangelica Valsot

Nossa radunanza ha lö gövgia, ils 11 settember
2025, a las 20:15 in chasa da scoula a Strada.

Tractandas:

1. Salüd e tscherna d'ün(a) scrutinadur(a)
2. protocol
3. credit per ün repar cunter lavinas da tet da la ba-
selgia San Plasch a Tschlin, ils detagls as chatta sün
www.valsot-ref.ch (a partir dals 4 settember 2025)
4. varia

Sperand sün numerusa cumparsa,
segna per la Corporaziun evangelica,

Duri Janett, president